

在文川网搜索古籍书城 入驻商家 入驻商家 入驻商家
dongriver 文川网 古籍书城 获取更多电子书


中國方志叢書·華北地方·第五一三號

據 清乾隆二十一年刊本 清乾隆二十一年刊本 儲一元升纂修

影印

河北省

東明縣志



216/103

成文出版社有限公司印行



10107342

中國方志叢書·華北地方·第五一三號

據

清乾隆二十一年刊本
清儲元升纂修

影印

河北省

東明縣志



4-15/05
成文出版社有限公司印行



10107343

中國方志叢書·華北地方·第五一三號


據

清乾隆二十一年刊本
清儲元升纂修

影印

河北省

東明縣志



413/05

成文出版社有限公司印行



docsriver 文川网
入驻商家 古籍书城

在文川网搜索古籍书城 获取更多电子书

中華民國六十五年 月壹一版

東明縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續修東明縣志序

東明古天竺之屬邑也宋明二朝皆大名府天竺縣屬邑自魏
燕趙恃爲異域宋梁沙陁之屬地爭大名爲宋人押禦契丹
之要疆故其風俗獷悍尙勇喜鬪爭而東明東連曹濮陶單
南逼祥考南儀地不一省省不一縣又東開州長滑時合時
分最易竊奸匿匪而黃河由龍門砥柱下趨登豫之平壤東
明實當其衝一有潰決則村堡悉爲巨浸城郭亦傾圮可虞
予以菲才來蒞茲土首詢河患無高山大陵爲之關格洪濤
出沒濟水濮河交會之以助其衝激之勢而漢時之金堤汴
渠昔已破壞今皆有名無實至其風俗儼樸稚慕善之舊猶

有存者而尙果敢好爭訟餘風未殄予亟求所以整齊化導之而未得其術因將高楊諸公所修之縣誌觀之見其首誌堤防自護城堤而外若孟華杜勝諸堤堰東西綿亘而長堤至數百里如岡如陵交相密護而河不爲患蓋昔人築堤障河之功其勤至矣然後知河患可平而後人之增修補築爲不可緩也再考其人物則昔賢如閔子騫公西華皆邑人也後若吳祐之仁心劉昆之異政卞壺之父子殉節劉晏之轉運鹽鐵張齊賢之平章政事彪炳史策亦皆邑人也至若濟陽宮之篤生光武李道姑之誕育仁宗張留侯辟穀之地戶牖侯分肉之鄉以及漆園吏之高傲溫子昇之文章莫不膾

炙人口蓋高賢傑士世不乏人以是知地靈氣異而風俗之
大可轉也然非記載詳明後之人孰從而知之誌之所繫詎
不重耶但舊誌版已漫漶又多殘缺失次蓋自高公創其始
常李張諸公繼其後楊公集其全訖今八十餘年未有續修
成帙者予竊不自揆欲繼高楊諸公之志將取其舊而新之
詢有雍正七年未刊舊稿加以近今十餘年來未登於誌者
依類而增入之遂延貢生董榮官吳鵬程李欽郡庠生范元
福協同纂輯予略加斟酌未閱兩月而告竣不務博綜矜采
藻而記注之克明彰瘴無失實差亦足以信今而傳後矣因
乏費未付梓武邑司訓張復振者以寒素友教後學獨捐贖

身 日 集 三 十 四
年節著館俸資劖劘而是書乃獲觀成績修例有弁言因述
諸同人纂修之勤捐輸之善而并及予孜孜求治之隱衷庶
幾不墮前人之成規云爾皆

乾隆丙子菊月上浣

賜進士知東明縣事陽羨儲元升題

東明縣志舊序

自封建廢而郡縣立列國之史遂亡間有載筆之興皆不出於專職通論故無以裨化理於是郡縣之志作焉是志者史屬也夫志之體必天文地理政事人物世代風俗常變之迹沿革之由備書而詳紀之大抵如左氏史遷之法故曰志東明建置出於宋元兵燹之前不及悉而自我朝邱民富庶之日建之而又遷且五十年矣不知無事之可書也而或者秉筆之無人未嘗有志焉如此脫有采風觀政之使遊于其境緣以樹之風聲則進退抑揚無所據矣尹茲土者教養之方寬猛之宜化民成俗之務無所因矣不亦大可慮哉祿無似自河南來筮任於此悼

茲闕典切欲壽諸梓而未遑適承督學御史通山朱公大名守石州高公移文到縣委以纂志之命卽忻然不自揣其力之弗能也遂約諸生徒立凡例定程規門分類聚日夕采輯以教諭喬文岱總其事兩閱月而志始成凡六卷外附錄一卷首之以天文而次之以地理又次之以人物而又次之以公宇祠祀而又次之以古蹟田賦文章粲然畢具再四訂正無少差謬而志之體似近得之矣夫天道紀而仰焉有所觀矣地道紀而俯焉有所察矣人物紀而三才之義彰矣紀乎往者垂諸其後紀乎名者可以求其實可以知灾祥可以示勸戒可以廣見聞可以見政治之得失可以驗風俗之盛衰可以傳之永久而無斂也

蓋不獨於文字之間而采風觀政者必緣此有以得其情將來
尹茲土者必卽此而推廣其教天動民之道百世信之以爲龜
鑿可知也夫不作於前曷以傳於後不循其名曷以考其實此
當道君子所以深慮而務循乎斯典也豫不佞謹序諸首云岢
嘉靖十五年丙申七月望日知東明縣事陳留一亭高豫于儀
譔

又

國家奠鼎燕京天雄爲右輔重地明介在澶匡控帶黃流襟會
梁魯所稱燕京之戶牖非乎明故無志有之自嘉靖丙申令高
君子儀始大都裁取簡朴語取包稽不無遺采然而創獲自野

其功鉅矣丙申迄今閱六十年所其間戶口之登耗賦役之煩
簡名賢循吏之行業遞異矧元精鬱淳人文濬啟冠帶履舄之
盛甲於河朔而編續未次寥寥無聞非缺典與余不佞辛丑量
移自漳檢閱舊志質以耳目所睹記不佞之落嘆蓋責將在予
矣適今觀察孫公時守天雄與前觀察周公僉移檄修纂余數
請之邑獻大夫士乃邑獻大夫士則共推穀孝廉張君詣元楊
君林貞董其事又延學博曹君賢邑庠袁生輩相與博稽載籍
廣詢父老下暨稗官巷說靡不摛拾二君挈網釐目臨舊所增
蓋不啻倍焉編竣余不佞受而讀之恍涉元圃汎玖錯落弗揣
愚瞽稍加雋次庶幾哉無遺采無佚事矣已復請折衷于廷尉

劉心田先生先生夙擅三長著聲珥筆頃頤神漆園世味澹如也于是揖二君相與商榷而裒括之詳而且整質參于文讀之則又恍登文石之陞金科玉條風驅電掃彬彬平典刑之總會矣嗟乎從昔史家自宗春秋而外輒侈稱董史左國遷固今乘簡略之後殫力搜括體裁則原本遷固摛詞則擬善左國而是非得失凜乎董史之執簡從事要以尊善抑惡戒勸其心無失吾春秋家法夫志以述事事以出政政以辨民故考疆域建置則知河患旣徙形勝具存居今懷古興廢振墜當有安不忘危之思矣考田賦典禮則知反裘竭澤軸杆是虞儀容粉澤黍稷非馨當有義事緩急之辨矣考官師選舉人物則知懿行卓軌

典型在望矜名飭節不問幽遐高山仰止葑菲必采有餘感矣
考藝文祥異雜紀則知揆世證變天人同符多蓄廣見不遺龜
毛經緯上下洞達常棣有明徵矣斯志也即名爲畿南春秋齊
晉左國史漢奚不可者予敦請三君時竊有懼焉前志之失在
略今志之得在詳前志之得在質勝今志之失懼文勝志以文
勝卽瑰麗盈幅於大雅奚當余茲懼今知釋矣持此以質之邑
獻大夫士併以質之觀察公庶可無負觀風盛舉矣乎雖然奮
筆千秋潤色鴻業黃流襟帶若增而高深者三君之任也展錯
庶務鑿往揆來緣飭吏治以綱繆隲戶者司土之任也三君之
任已矣司土之任寧有既乎余滋懼矣余滋懼矣將付殺青屬

不佞謬叨司馬曹之命蒼黃弁言用志始末以俟之司土者皆
萬曆 年 月 日知東明縣事蒲城

常澄撰

又

夫志以紀事也事以乘時也時遞轉則事遞新在古爲列國史
在今爲郡邑志矣明志創自子儀高君甲子將週考功常君蒞
茲土集詣元尉白諸君子肆力潤色又十餘年而余不佞濫筭
其間撫今追昔時幾何事又幾何文章風物煥然改觀矣顧高
志則質而未脩常志則脩而未梓究使後之人沿革莫窮風土
莫究賦役莫稽而文獻莫覓也恐四封之內陰巖幽谷閉塞滋

多矣余不佞實用凜凜受事之明年齋沐而請蒲城舊稿於詣
元張君尉白楊君時兩君方事南宮未遑也癸丑臨軒召對封
之花縣將戒行矣余不佞又長跼而請曰以先生逃稽避覽數
年精力終使沉伏於心忍乎且漆園畿輔戶牖冠裳玉帛甲於
宇內而究令世代實錄湮滅弗彰於心又忍乎兩君唯唯始編
次授余得卒業焉核事摛詞綱舉目張真尙書紀虞唐而春秋
紀魯隱也厥後百原李公歸沐居里獻吾陳公資捧過里余復
次第請益斬於信今傳後而二公不避勞怨集衆秉公力持直
道議論嚴體裁正以視陳留蒲城之書益光大之不佞不靡有
兼長矣百里以內上下數千年間顛未了然使明之人覽而曰

docsriver 文川网
入驻商家 古籍书城

在文川网搜索古籍书城 获取更多电子书

若俗美若俗惡若人正若人邪當必踴躍竦息法戒分塗則是志之用意微垂教遠也竊不揣沾沾自喜然又懼焉夫志何由作志占候志疆域志山川俗尚之屬總以生民也志金湯保甲關隘之屬總以衛民也志官師學宮節孝之屬又以化民也民化則自嘉遂而治具昌太史採風貢俗總吉祥善事余不佞蒞明迨五年矣試按籍索之戶口較昔時何如習尚轉移較昔時何如則長吏年來生聚教養概可想見尚敢以知我罪我聽之人言哉刻成余將解印去因叙重修始末弁諸簡端爲低回者久之嘗

萬曆四十年一月 日知東明縣事質谷李遇知撰

又

志者編年紀事之書也時易事殊則一成者不得不變此志之所以修乎東明屢廢屢徙孝廟初復卜茲地其志創自高公一亭原編歲久無考今志則考功當公所修而未竟給諫李公所裁而壽諸梓者也逾數歲余以撫院牘來泣事六月卽徵恩去何能更議亦何暇更議惟是日擊時事不無日易而歲不同者如收頭倉吏火夫向累而今革矣鄉約保甲繕兵向無而今撤矣他如孤貧之廣額里排之除苛學宮倉廩之繕修募兵置械之防禦種種因時起事皆原編不及記者是可無以續之乎於是忘其固陋聊爲補贅但未知與李公之良法美意稍有合焉

否也謹序

天啟三年歲次癸亥仲春既望知東明縣事高密澹如張福臻
撰

又

縣之有誌在縣爲編乘在國則爲信史其中疆域之營建賦役
之增損職官之臚列人物之誕毓紀載綦詳撮其大者忠孝節
廉幽光潛德形容如繪令人一披閱間洞若觀火先師之懷文
獻鄧侯之重典籍良有以也今運際鼎革 龍飛當代時制
之頒布倣諸先朝而同中異因內革煥然更新彼先朝都人氏
君子女往踪遺行固不容泯沒無傳也余不敏承乏茲邑自分

才短襪線識昧管蠡委不能擗穎效左氏史遷從事適 直指
桑老夫人代 狩畿南諄諄委以纂志之命分何容推遂約廣
文諸生考覈參訂稽實列欵裁成一縣之編乘竊附國家之信
史斯役也前有創者後有承者厥作與述余俱不居第忝列司
土之末僭爲續貂爰付剞劂用志巡方問俗扶進風化者之美
意云爾如曰作文章觀則吾豈敢言

順治三年歲次丙戌孟秋吉日知東明縣事張學知撰

又

邑有誌本禹貢而作也上古漆書籀文言多簡略至夏而文明
漸啟禹貢所識者曰厥貢某某而土壤田賦往往繫焉詩三百

篇首自二南暨邶鄘十五國多言風俗山川人物亦時時散見
之周官其意有職方氏保障氏之司孔子作春秋編年紀事而
列國之變異災祥書無遺佚洎嬴秦變封建爲郡縣戶口阨塞
藏諸故府沛公入關蕭何盡收圖籍以周知天下道里武帝拓
郡二十八俾成輿圖以誇強大司馬遷作史記獨書河渠而餘
多不及卽班固地理志亦僅序其沿革分野而已明英宗詔天
下輯一統志自邃古以及近代仕途以及隱逸山川以及巖壑
風俗以及土產罔不畢具而天文之與地畝又皆闕然未備是
先代之史書或此略而彼詳或此全而彼漏求其詳悉而全備
者莫誌書若甚矣誌書之不可不作也東明於荒唐遐哉不可

攷已在周屬衛戰國屬魏秦漢屬陳留宋乾德屬開封金屬曹州元屬大名至元間又屬開州明洪武初置邑於雲臺集尋以滄廢分屬開州長垣弘治四年始建今縣隸大名版籍蓋代殊而統亦殊也初曰漆繼曰冤句曰東昏改曰東明世異而名亦異也嘉靖丙申陳留高公橡知邑事迺作誌越六十餘年蒲城常公澄丹癘之惜乎剗未成耳厥後李公遇知修於萬曆之末年張公福臻補於天啟之癸亥鼎革來張公學知又纂綴焉煌煌乎一邑之文獻也今 天子下令俾各州縣修誌書備採覽斯亦太史陳詩以觀民風之義乎予奉 上檄乃延紳士集廣文諮議羣謀會商衆聽從予而折衷之予受事弗敢玩且念

三十年來生齒日繁民俗不變如司土之陞遷士子之登雋以迄創造改觀營屯歸籍靡不黽勉績貂句磨字刮恐以靴訛亥豕而滋疑貳至於地形之增圖東西朔南之界燦若觀星矣編次之改訂天地人物之類劃若指掌矣集成區爲八卷付諸梓氏其各類之弁謬爲臆說不過以管窺之誠發諸言論宜聖曰知我罪我又安計及哉

康熙壬子冬一陽生日知東明縣事黎陽楊日升題

又

夫郡國志猶史也載山川城郭職官人物以迄風俗錢穀祀戎之事淳澆興革利弊盛衰之故爲可法可鑒而使司政者權緩

急輕重而布置之典甚鉅也邑志之在前朝數經名人鉅筆稱
大觀焉 國家定鼎以來近三十年文教聿興而邑志未有成
書向雖草創一二葉率未脩也我 邑侯楊集虛父母來官茲
土百廢具舉而顧闕於茲書每於士大夫諮之未嘗畧刻忘也
會 道憲孔公 郡守周公以 憲檄末屬遂開局於公延邑
國學生袁子庠生梁景董段四子分曹執筆而以余借清源戴
君參末議焉乃同王君學博與邑紳率諸父老朝夕聚議矢公
且慎勿濫勿疎閱兩月而成帙以請于公公手自刪定劑酌而
潤色之分門別類各以鴻辭碩議綴其後俾覽者清若列眉而
洞如觀火緩急輕重布置之則靡弗畢脩誠萬世之龜鑑彬彬

然不朽之業也書成會令上從輔臣議徵郡國史修大清一
統誌公其執牛耳者矣而屬序於余爰識其實如此猗歟休哉
竊幸余之得附青雲而千里也謹題之簡峕
康熙壬子仲冬之吉

賜進士出身工部虞衡清吏司主事邑人盧毓粹拜撰

又

志也者固編年紀事之書也而磨世勸俗之大權出乎其中
事不惟其名惟其實詞不惟其工惟其直不然踵事增華雖美
弗傳是以子輿氏有盡信書不如無書之嘆漆誌如前諸序詳
矣無容多贅今上御極之十年從輔臣請命海內修郡邑志



所以大一統觀風俗興教化也猗與茲哉厥典甚盛邑侯楊公承上檄專纂修之任公以江右名進士負上下千古之識挾網羅百氏之才不難獨出手眼勒爲不刊之典型乃不自滿假廣思集益延邑士之文學卓越者操筆以從俾學博王君雨若邑紳冬部盧君含美分董其事余不佞亦得與聞閱三月而書成凡三十年間河海桑田疆域建置不無變遷也志其興廢所由來魴魚鴻雁政治民風不無改移也考其因革所自起官師選舉之遞新文章經濟如在也有善必錄忠孝節義之間出懿行淑德非偶也寧嚴勿濫戶口田賦因時酌定務求得當可爲撫綏斯民者之前籌如他諸記譏述撫拾悉有依據若出於耳

耳目目之外者皆屏去不取要之事該而典確辭達而體正期與左國司馬之旨相符云爾是役也搜緝靡遺分曹修飾共勤厥事者則袁君杜少梁君君寶景君康海董君芋白段君公含也若夫潤色裁定識記垂憲我侯揚公實總其成焉余不佞碌碌因人又安敢竄入諸君子著作之林乎雖然余竊幸矣大史曰閭巷之士欲砥節立名非附青雲之士惡能施於後世因忘固陋漫敷扈言付之梓以俟後之覽斯志者知今日亦有余不佞其人也余竊幸矣余竊幸矣

康熙十二年花月吉日

賜進士文林郎原任清源縣知縣邑人戴元讓

[The main body of the page contains extremely faint and illegible text, likely bleed-through from the reverse side of the page.]

docsriver 文川网
入驻商家 古籍书城

在文川网搜索古籍书城 获取更多电子书

部咨

禮部爲遵 諭條奏事儀制清吏司案呈奉本部送禮科抄出該本部題覆少師兼太子太師戶部尙書保和殿大學士加二級銜 奏前事等因康熙十一年七月初五日具奏本月初六日奉

旨這應進講書籍知道了餘着該部議奏欽此欽遵于七月十一日到部除各部事宜應聽各該部議覆外該臣等議得保和殿大學士銜 疏稱各省通誌宜修如天下山川形勢戶口丁徭地畝錢糧風俗人物疆圉險要宜彙集成帙名曰通誌誠一代之文獻也迄今各省尙未編修甚爲缺

典何以襄我

皇上興隆盛治乎除河南陝西已經前撫臣賈纂修進呈

外請

勅下直省各督撫聘集夙儒名賢接古緒今纂輯成書總發翰

林院彙爲

大清一統誌等因前來查直隸各省通誌關係一代文獻除河

南陝西二省已經前撫臣賈纂修進呈外其餘直隸

各省通誌請

勅下各該督撫詳查山川形勢戶口丁徭地畝錢糧風俗人物

疆圉險要照河南陝西通志款式纂輯成書到部之日送